



Giusep Cavegn - Giger, Sedrun

*22-08-1929 †25-06-2002

Ils 25-06-2002 ha'l zenn grond da s. Vigeli annunziau cun tun lamentont la mort da Giusep Cavegn. Tut nunspetgadamein e mo ella vegliadetgna da 73 onns. Bia memia baul. Ussa ch'el era serestabilius andantamein da sia malsogna, vess mintgin cuviu ina pli liunga serasontga. Mo encunter il destin ein nossas forzas vanas.

Derivonza ed affonza

Giusep Cavegn ei naschius ils 22-08-1929 a Sedrun sco schumellin cun sia sora Nescha. Ses geniturs Albert e Sofia han segir giu gronda legria da dus en tgina. Era ha Giusep astgau passentar ina biala affonza el ravugl d'ina buna e luvrusa famiglia. Suenter haver frequentau las scolas en vischnaunca, primara e reala serenda il talentau giuven a Cuera.

Professiun

Cul diplom mercantil ed in cuors da franzos a Neuenburg entscheiva sia vasta activitat e laver da professiun. En differents posts ella Bassa ed en Tujetsch eis el in luvrus, exact e survetscheivel emploiau. Buca per nuot astga el surprender 1965 la Agentura dalla banca cantunala a Sedrun.

Famiglia

1961 sospusa Giusep cun Nescha Giger da Selva. La lètg benedescha il Segner cun treis stuپents buobs ch'ein legria mo era laver en casa. Nuot astga muncar a quels. Dottai cun buns talents possibiliteschan ils geniturs a tuts treis gimnasi e scol'aulta. Oz han tuts respectablas posiziuns e fan honur als conjugals.

Politica e generalessor

Sper la truscha da laver professiunala e famiglia ha Giusep buca temiu da surprender enqual post ella politica ed era auters uffecis en impurtonts gremiums. Cheu in per cavazzins. 1967 - 1973 gerau e vice-president communal, 1969-1975 president OET. Plirs onns Cumissiun da gestiun, Cussegl d'administraziun Pendicularas SA Sedrun 1959 - 1983, cassier Centrala da latg Sedrun, grond promotur ch'igl ei oz ina cascharia cun stizun.

Cultura

Cant ha fascinau il Giusep. Chor da vallada e Chor da baselgia. Per siu engaschi e breigias eis el vegnius numnaus commember d'honur.

Destin

1983 ina maligna malsogna ha sdernau nies Giusep. Sil fiat calar da luvrar e bien e ditg eis ei iu ch'el ei serestabilius mo ina andanta. Ussa ein ses hobis vegni d'engrau. Far teppis, special dun, rimnar fotografias, admirar e rimnar maletgs digl artist Cari-giet, enzacons viadis pli gronds, leger e mintgaton in scart. Far spassegiadas cun siu tgaun a Surrein e Cavorgia. Quei has Ti aunc saviu guder per cuort'uriala.

Cumiau

Ils 25-06-2002 tut nunspetgadamein ha Giusep rendiu si'olma a siu scaffider.

Car Giusep

Tes arcuns ein tgembrai da lavur duront il viadi terrester. Nus schein grond Dieus paghi. La pagaglia gronda retscheivas dil Tutpussent. Tes cars parents ed amitgs ein trests, mo salvan Tei en buna memoria.

Ruaussa en paisch.